

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno pravna komisija
Broj: 01/1-011-760/01
Sarajevo, 19.11.2001.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Primljeno: 30. 11. 01.			
Org. jed.	Broj	Prijedlog	Vrijednost
01/1	011-760/01		

ZAPISNIK

sa šesnaeste sjednice Ustavno - pravne komisije

Sjednica je održana dana 19.11.2001.godine sa početkom u 11.00 sati.

Sjednici us prisustvovali:

- | | |
|---------------------|-------------------------|
| 1. Mirko Banjac | 6. Miro Grabovac –Titan |
| 2. Hilmo Neimarlija | 7. Mariofil Ljubić. |
| 3. Željko Bilbija | 8. Bogić Bogićević i |
| 4. Muhamed Begović | 9. Mirko Mijatović |
| 5. Osman Brka | |

Član Komisije Mariofil Ljubić je kasnio 30 minuta zbog problema u putu, a Hilmo Neimarlija je napustio sjednicu prije kraja zbog ranije dogovorenih obaveza.

U funkciji predstavnika predlagača Vijeća ministara BiH sjednici su prisustvovali:

1. Maksim Stanišić
2. Helena Tavra
3. Amir Pilav i
4. Zorka Pudar

Sjednici su takode prisustvovali Vedran Hadžović i Milan Zjajić zaposleni u stručnoj službi Predstavničkog doma Parlamentarne skupštine BiH.

Predsjedavajući komisije Mirko Banjac je predložio sljedeći:

DNEVNI RED:

1. Verifikacija zapisnika sa XV sjednice Ustavno – pravne komisije održane 07.11.2001.godine
2. Prijedlog zakona o upotrebi i zaštiti znaka Crvenog krsta/križa i naziva društva Crvenog krsta/križa Bosne i Hercegovine – nadležna Ustavno – pravna komisija,
3. Prijedlog zakona o upravnim sporovima BiH,
4. Prijedlog zakona o državnoj službi u institucijama vlasti BiH,
5. Amandmani Doma naroda na Prijedlog zakona o udruženjima i fondacijama BiH,
6. Ostala pitanja.

Ad. 1.

Bez posebne rasprave i primjedbi članovi Komisije su verifikovali zapisnik sa 15. sjednice

Ad. 2.

Zbog neprisustvovanja sjednici predstavnika predlagača članovi Komisije su bili jednoglasno odlučili da se Prijedlog zakona o upotrebi i zaštiti znaka Crvenog krsta/križa i naziva društva Crvenog krsta/križa Bosne i Hercegovine skine sa dnevnog reda. Međutim, kako je predstavnik predlagača došao Predsjedavajući je otvorio raspravu po ovoj tački

dnevnog reda dajući riječ predstavniku predlagača. Potom je otpočela izuzetno duga diskusija u kojoj su se više puta javljali za riječ svi članovi Komisije. Diskusija je na momente prelazila u polemiku, ali je na kraju prijedlog Predsjedavajućeg da postoji valjan ustavni osnov za donošenje navedenog zakona i da ga je predlagač naveo, ali da nije proveo proceduru pribavljanja saglasnosti – dogovora entiteta i da se obavezuje da pribavi saglasnost entiteta u toku zakonodavne faze pred nadležnom komisijom, dobio jednoglasnu podršku svih članova Komisije.

Ad. 3.

Na početku ove tačke dnevnog reda predstavnik predlagača je naglasila da je prije sjednice dostavljeno obrazloženje.

Nakon toga je Predsjedavajući podržao potrebu za donošenjem Zakona o upravnim sporovima BiH i navedeni ustavni osnov za donošenje.

Ovakav stav je podržao i član Komisije Mirko Mijatović, zamjeravajući predlagaču što zakoni iz ove oblasti nisu išli u paketu, jer ne funkcioniše Sud BiH, nema Zakona o upravnom postupku i drugih zakona, pa i kada se usvoji ovaj zakon će dugo biti neprimjenjiv.

Zatim se prešlo na raspravu o amandmanima koje je uložio Predsjedavajući Mirko Banjac. U raspravi o ukloženim amandmanima su učestvovali skoro svi članovi komisije. Tako da je predlagač od nekih amandmana odustao, a sljedeći amandmani su jednoglasno prihvaćeni:

Amandman I

U članu 1. briše se riječ "državnog"

Amandman II

U članu 11. tačka 1. mijenja se i glasi: "Ako u aktu nije primjenjen ili je nepravilno primjenjen zakon Bosne i Hercegovine, odnosno propis zasnovan na zakonu ili opšti akt, pri vršenju funkcija nadležnih institucija"

Amandman III

U članu 11. tačka 2. dodati riječi: "Bosne i Hercegovine"

Amandman IV

U stavu 3. člana 65 riječi "Vijeće ministara" se brišu i mijenjaju riječju: "Sud"

Zatim je Ustavno – pravna komisija jednoglasno usvojila tekst Prijedloga zakona o upravnim sporovima Bosne i Hercegovine sa usvojenim amandmanima, zaključila da je predloženi zakon neophodno donijeti i da se Prijedlog zakona o upravnim sporovima Bosne i Hercegovine uputi Predstavničkom domu Parlamentarne skupštine BiH u dalju proceduru usvajanja.

Ustavno – pravna komisija je takođe uočila više pravno – tehničkih i jezičkih nedosljednosti u tekstu i smatra da je neophodno prije objavljivanja izvršiti pravno – tehničku i jezičku doradu i ujednačavanje teksta na sva tri jezika konstitutivnih naroda Bosne i Hercegovine

Ad. 4.

U raspravi o članovima predloženog zakona, kao i uloženim amandmanima učestvovali su više puta skoro svi prisutni.

Predsjedavajući Mirko Banjac je podsjetio da je Vijeće ministara BiH na 34. sjednici održanoj 16.10.2001.godine je ovlastio Ministarstvo civilnih poslova i komunikacija da može na zahtjev Ustavno – pravne komisije iz naslova i teksta brisati riječ "vlasti". Ustavno – pravna komisija je to zahtijevala, pa je brisanje riječi "vlasti" izvršeno u nazivu zakona, članu 1. Prijedloga zakona i u obrazloženju.

Amandmane su uložili poslanik Tihomir Gligorić u ime Kluba poslanika PDP, SNSD, DSP, SNS, SPRS i poslanik Mr. Mirko Banjac, poslanik Osman Brka i poslanik Miro Grabovac – Titan u ime Kluba poslanika HDZ

Kako su amandmanima koje su uložili poslanik Mirko Banjac i Tihomir Gligorić u ime Kluba, bili identični, član komisije, Željko Bilbija je u ime Kluba poslanika PDP, SNSD, DSP, SNS, SPRS povukao uložene amandmana.

Nakon provedene rasprave Ustavno – pravna komisija Predstavničkog doma Parlamentarne skupštine BiH je izjašnjavajući se o svakom pojedinačno, usvojila sljedeće amandmane:

Amandman I

U članu 2. tačka 2. mijenja se i glasi: "Sastav državne službe odražava nacionalnu strukturu stanovništva Bosne i Hercegovine prema popisu stanovništva iz '91. godine, poštujući paritet konstitutivnih naroda na rukovodna mjesta."

Amandman II

U članu 4. tačka 1. iza riječi: " Predsjedavajući Savjeta ministara Bosne i Hercegovine" brisati riječi: "(u danjem tekstu: Savjet ministara)"

Amandman III

U članu 4. dodaje se tačka 3. koja glasi: "Na državne službenike Parlamentarne skupštine, Predsjedništva Bosne i Hercegovine, Stalnog komiteta za vojna pitanja, Ustavnog suda Bosne i Hercegovine i Centralne banke Bosne i Hercegovine primjenjuju se odredbe člana 1. 2. i 3. ovog zakona."

Amandman IV

U članu 6. tačka 2. iza riječi: "Savjet ministara" dodati riječi : "Bosne i Heercegovine (u danjem tekstu: Savjet ministara)"

Amandman V

U tački 5. člana 14. brišu se sljedeće riječi: " niti smije zauzimati stan u privatnoj i društvenoj svojini, uključujući i raniju društvenu svojinu za koju nije podnešen zahtjev za povrat."

Amandman VI

U članu 16. tačka 2. brišu se riječi: "imovini na raspolaganju državnog službenika ili na raspolaganju njegovih bliskih srodnika i funkcijama koje obavljaju državni službenik i njegov bliski srodnik" i zamjenjuju rječima: "svojoj imovini"

Amandman VII

U članu 21. tačka 2. alineja c) na kraju dodaju riječi: "i entitetima"

Amandman VIII

U članu 22. tačka 1. alineja c) se mijenja i glasi: "da ima visoku ili višu stručnu spremu"

Amandman IX

U članu 40. tačka 1. alineja e) mijenja se i glasi: " troškove odvojenog života, smještaja u mjestu rada i prevoza radi posjeta porodici ako je mjesto prebivališta udaljeno više od 60 kilometara od mjesta obavljanja službenih zaduženja, kao i troškova selidbe iz mjesta stalnog prebivališta u mjesto gdje ima službeni stan i nazad:"

Amandman X

Član 69. brisati i shodno tome uskladiti numeraciju sljedećih članova.

Amandman XI

U članu 70. tačka 7. brišu se riječi: "Na početku primjene" i mijenjaju riječima: " U primjeni"

Amandman XII

U članu 70. tačka 9. se briše.

Nakon toga Ustavno – pravna komisija je jednoglasno usvojila tekst Prijedloga zakona o državnoj službi u institucijama Bosne i Hercegovine sa usvojenim amndmanima, zaključila da je predloženi zakon neophodno donijeti i da se Prijedlog zakona o državnoj službi u institucijama Bosne i Hercegovine uputi Predstavničkom domu Parlamentarne skupštine BiH u dalju proceduru usvajanja.

U smislu odredbi člana 89. Poslovnika Predstavničkog doma Parlamentarne skupštine za izvjestioca u plenarnoj fazi komisija imenovala Predsjedavajućeg Mirka Banjca.

Ad. 5.

Bez posebne rasprave članovi Komisije su većinom glasova utvrdili da Amandmani Doma naroda na Prijedlog zakona o udruženjima i fondacijama BiH nemaju bitniji uticaj na tekst zakona i da mogu postati sastavni dio Prijedloga zakona o udruženjima i fondacijama, ali da i u tekstu navedenog zakona ima nedostataka, koji se trebaju otkloniti prvo – tehničkom obradom prije objavljivanja.

Ad. 6.

Kako nije bilo prijedloga za ovu tačku dnevnog reda (ostala pitanja) Predsjedavajući je zaključio šesnaestu sjednicu u 16,00 sati.



PREDSJEDAVAJUĆI
USTAVNO - PRAVNE KOMISIJE

Mr. Mirko Banjac